



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XCV. Herzog Otto von Braunschweig genehmigt die Schenkung des Patronats über die Katharinenkirche und den Mathäi - Altar in Salzwedel an das h. Geist - Kloster daselbst, am 2. Februar 1329.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

Ottonis, nostri aui dilectissimi, et suorum fratrum Dni. Alberti et Dni. Ottonis, pie memorie Marchionum quondam Brandenburgensium, super eadem bona conscriptas vidimus, et legi nobis fecimus, in quibus lucide inuenimus, predictam villam cum silua sub certis terminis seu limitibus ad prefatum monasterium integraliter cum Aduocatia et omni iure pertinere. Quia vero ad nos, que plus ceteris a Deo recepimus, donationes piis locis precipue a nostris progenitoribus factas non infirmare, sed semper fouere et tueri et omnes impediens et impugnantes cohercere et debilitare, predictam donationem tam rationabilem et piam gratam habemus, et in nomine Domini nostri Jesu Christi confirmamus. Prohibentes omnes et singulos districtissime, ne de cetero aliquatenus prenominatum monasterium in predictis bonis et silua impediant, nostris precipue et singulariter Aduocatis injungentes et precipientes, ut ab insultibus et inuasionibus eorundem honorum et silue omnes et singulos auctoritate nostra compescant. Si quis autem horum temerarius violator extiterit omnipotentis Dei iram et nostram indignationem se certissime nouerit incursum. Testes horum omnium sunt Dominus et Dominus Conradus, in Gardeleghe plebanus, nostri capellani, Tidericus et Bernardus de Schulenborch, fratres milites, Bodo et Siffridus, fratres de Walltoue, famuli, aliique quam plures fide digni. In quorum omnium euidentiam presentibus sigillum nostrum duximus apponendum. Datum anno domini M^o. CCC^o. XXVIII^o.

Nach Gersten's Cod. VIII, 451.

XCv. Herzog Otto von Braunschweig genehmigt die Schenkung des Patronats über die Katharinenkirche und den Mathäi-Altar in Salzwedel an das h. Geist-Kloster daselbst, am 2. Februar 1329.

In nomine sancte et individue trinitatis. Amen. Dei gratia nos Otto, Dux Brunswicensis, uniuersis Christi fidelibus hanc paginam uisuris vel auditoris salutem in uero salutari. Quoniam gesta temporum presentium cito in oblivionem transeunt, nisi scripture testimonio et testium annotatione deducantur in notitiam futurorum; hinc est, quod nos ea, que nostris sunt rationabiliter temporibus et in perpetuum duratura cupientes esse manifesta, tam presentis temporis hominibus quam futuri, recognoscimus in hiis scriptis publice protestantes, quod domina Agnes, nostra conthoralis karissima, quondam Marchionissa Brandenburgensis, de nostro consensu et voluntate bona, ad honorem Dei omnipotentis et sue matris sanctissime Virginis Marie, pro sue anime ac nostre suorum parentum ac nostrorum remedio, donavit monasterio sancti spiritus prope Soltwedele canonicorum regularium jus patronatus ecclesie sancte Katharine civitatis Soltwedele nove et altaris sancti Mathei in eadem ecclesia fundati, prout dominus Conradus, nunc ibidem plebanus, ea possidet, in perpetuum possidenda. Quam donationem, sicut de nostra bona voluntate dinoscitur processisse, ratificantes in hiis scriptis, prelibato monasterio, prout in literis domine Agnetis, nostre conthoralis predictae, super hoc confectis continetur, in Christi nomine confirmavimus. In cujus donationis et nostre ratificationis ac confirmationis euidentiam plenior presentem literam sigilli nostri munimine duximus roborandam. Testes huius facti sunt strenui Viri Ludolphus de Holueghe, Gunzelinus et Borchardus de Bartensleve, Tidericus et Bernardus de Schulenborch,

fratres, Johannes de Ampleve, milites, Bodo et Siffridus de Walfstove, famuli, et alii quam plures nostri fideles fide digni. Datum Anno Domini MCCCXXIX, in purificatione sancte Marie.

Nach Lenz Br. Urk. S. 949.

XCVI. Herzog Otto von Braunschweig und die Herzogin Agnes unterordnen die Besitzungen des Johann Wolf und der Gebrüder Heinrich und Jordan von Walfstowe dem Salzwedelschen Stadtrechte, am 25. März 1329.

Dei gratia nos Otto, Dux in Brunswich, antique Marchie Dominus, ac Agnes, eadem gratia Ducissa ibidem, tenore presentium recognoscimus et fatemur, Quod curiam zitenis ac omnia bona cum omnibus suis iuribus, que Johanni dicto Wulf, Hinrico et Jordano fratribus dictis de Walfstoue pertinebant, ad ius civitatis Soltwedel locavimus et locamus per presentes, ita quod mansi de dictis bonis, qui cum aratro coluntur, tot fertones nobis et nostris successoribus singulis annis ad festum beati Martini dabunt, sicut et dantur de mansis dicte civitatis. Testes huius sunt Guntzelinus et Borchardus de Bertensleue, Bartoldus de Veltem et Johannes de Ampleue, milites nostri. In huius evidentiam presentem literam dedimus nostris sigillis firmiter communitam. Datum anno domini M^o. CCC^o. XXIX., in die annunciationis beate marie virginis.

Nach dem Original im Salzw. Archiv VII, 23.

XCVII. Die Herzogin Agnes, Herrin der Altmark, belehnt Bürger zu Salzwedel mit einer Hufe Landes in Putlenz, am 2. April 1329.

Ne ea que sunt in tempore simul labantur cum tempore, literis autenticis solent firmiter roborari. Hinc est quod nos Agnes, dei gratia in Brunswich Ducissa, antique Marchie domina, matura deliberatione prehabita, civibus nostris nove civitatis Soltwedel, Johanni de Veleuiz et sue uxori domine dicte Wmpe, ac Johanni dicto de Geggeleue et domine Yde, sue materere, ac suis veris heredibus contulimus et in hiis scriptis conferimus unum mansum situm in loco, qui dicitur Putlandes, cum omnibus iuribus, videlicet campis, viis, inviis, pratis, pascuis libere possidendum. Huius rei testes sunt Bartoldus de Veltyrn, miles, dominus Conradus, plebanus in Gardelege, dominus Henricus dictus Man, nostri capellani, Halt de Bafdow, noster marscalcus, et Johannes de fonte, noster civis antique civitatis Soltwedel, et alii quam plures fide digni. In huius testimonium presens scriptum dedimus nostro sigillo communitum. Datum Soltwedel, Anno domini M^o. CCC^o. XXIX^o. dominico die, quo cantatur letare Jerusalem.

Nach dem Orig. im Salzw. Archiv XVI, 4.